



PRIMA SESSIONE STRASURDINARIA DI U 2019
1ERE SESSION EXTRAORDINAIRE DE 2019
31 DI GHJENNAGHJU È 1^U DI FERRRAGHJU
31 JANVIER ET 1ER FEVRIER

2019/E1/006

Dumanda posta da a signora Mattea Casalta à nome di u gruppu « Partitu di a Nazione Corsa »

UGETTU : Distributori di bivende è di manghjà

O Sgiò Presidente,

Di regula l'istituzione è l'imprese s'addirizzanu à prestatarii chì li furniscenu distributori di bivende è di manghjà. D'altronde, a Cullettività di Corsica hè di quelle.

Omu pò truvà in issi distributori robba inzuccherata o salita è bivende di marche cunnosciute à u livellu internaziunale.

U nostru paese hè riccu di prudutti d'eccellenza in ogni settore. Si puderebbe cunsiderà chì prudutti fatti in Corsica si possinu truvà in quelli distributori cullucati ind'i lucali di e nostre istituzione è imprese.

Seria una vetrina di i nostri sapè fà, in particolare in materia di dolci, biscutteria, salameria, panatteria...

Si puderebbe ancu pensà à distributori chì pruponghinu urtaglia è prudutti casani freschi.

Tuttu què permetteria à l'utilizatori di cunsummà prudutti lucali di qualità, ciò chì favorizeria i canali corti di distribuzione.

Cusì omu averebbe a maghjina di una Corsica muderna chì si ghjova di tutti l'arnesi ch'ellu hà issu paese in materia di sviluppu economicu.

A Cullettività di Corsica puderebbe inizià stu mudellu è ispirà forse altri paesi

Seria pussibile, o Sgiò Presidente, chì a nostra Cullettività incuragischi issa scelta ?